

永樂大典卷之一萬二千四十三

二十有

酒

賜酒

書林事類晉文公獻楚俘於周王賜之秬鬯一卣卣器也秬稷黍曹香草和酒以降神冊魏公九錫文曰是用錫君秬鬯一

卣周禮酒正掌酒言逮下之恩賜頒皆有法以行之注法尊卑之差

酒正凡秩酒者以書契授之注秩常也謂老臣常受酒禮君若賜之爵即

越席而再拜稽首受登席祭之飲卒爵而後君卒爵然後虛爵注不敢先

君盡之禮酒肉之賜不再拜再重也不重拜輕也史記晉擊秦繆公傷

於是岐下食善馬者三百人馳冒晉軍圍遂脫繆公而返生得晉君初繆

公亡善馬岐下野人共得而食之者三百餘人遂得飲法之公曰君子不

以畜害人吾聞食善馬肉不飲酒傷人乃皆賜酒而赦之南史宋彭城王

義康傳義康以事出鎮豫章實幽之也會稽長公主於兄弟為義帝所親

敬上嘗就王宴集甚歡王起再拜稽首悲不自勝上不曉其意起自扶之

王曰車子歲暮必不見容特乞其命因慟哭上亦流涕指蔣山曰必無此

慮若違今誓便是負初寧陵即封所飲酒賜義康曰會稽妙飲憶弟所飲
餘今封送車士義康小字也。隋書王誼傳高祖受禪誼奉使突厥上嘉稱
貴進封鄆國公。未幾其子奉孝卒。踰年誼上表言公主少請除服御史大
夫楊素勅之有詔勿治。然恩禮稍薄。誼頗怨望。或告誼謀反上令案其事
上者秦誼有不遜之言實無反狀。上賜酒而釋之。唐會要貞觀十七年十
一月太宗詔曰天下宜賜醕三日。自漢魏已來或賜牛酒半之為用耕稼
所資多有宰殺深乖惻隱。其男子年七十已上量給酒米麴次。仍氏舊聞
玄宗善八分書將命相先以御劄書其姓名置案上。會太子入視上舉金
甌覆其名以告之曰宰相名汝庸能知之乎。即射中賜若飽酒也。肅宗拜
而稱之曰非崔琳盧從愿乎。上曰然。因舉甌以賜。飽酒是時琳從愿皆有
宰相望玄宗倚為相者數矣。竟以宗族蕃盛附寄者衆不用之。古今事通
唐書李嗣業入朝賜酒玄宗前醉舞賜珠百段金四五十物錢十萬為解
醒具。蜀檮杌潘炕使梁梁祖飲以三十巨觥疑其沉汚令人俟之乃盛
服將入朝倍以金器賜之王氏問見錄真宗飲酒三斗不亂一日召輔臣
賜飲至三斗復進巨觥。觥退而酒出詔貯三斛中。謀未飲酒賜輔臣明日
問視不能辨。群臣問所以帝笑曰古人謂酒有別賜豈虛言哉。匈奴傳

匈奴攻戰斬首虜賜一卮酒人人自邇利。唐贈張果數御美酒嘗云我先克丙子歲位侍中有邢和璞者善知人壽夭師夜光者善視鬼帝令和璞推果生死情然吳知其端帝詔果密坐使夜光視之不見果所在帝謂高力士曰吾聞飲堇無苦者奇士也時天寒因取以飲果三進頽然曰非佳酒也乃寢頃視齒焦縮顧左右取鐵如意擊墜之藏帶中更出藥傳其斷良久已生繁然駢索帝益神之南唐書史虛白字畏名隱九江乘雙犢犢車挂酒壺一酒熟往來匡山元宗召見賜酒便殿醉謂于殿墜元宗曰真隱者也資治通鑑後漢高祖紀契丹述律太后遣使以其國中酒饌饋果賜契丹主賀平晉國契丹主與群臣宴於永福殿每舉酒立而飲之白太后所賜不敢坐飲三塊王氏雜錄初貢園茶及白羊酒惟見任兩府方賜之仁宗朝及前宰臣歲賜茶一斤酒二壺後以爲例凍水記聞真宗重禮杜鎬鎬直龍圖閣上常因沐浴罷飲上尊酒封其餘遣使賜鎬於閣下鎬素不飲得賜喜飲之至盡因動舊疾忽僵不知人上聞之驚步行至閣下自調藥飲之仍詔其子侍疾少頃鎬稍蘇見至尊在欲起上撫令卧鎬疾平然後入宮方鎬疾亟時上深自咎責以謂由已賜酒致鎬疾也宋史張闡傳紹興三十一年冬給札侍從臺諫條具時撥開時爲工部侍郎兼侍

講上十事皆剗切。當時應詔數十人。惟開興國子司業王十朋。指陳時事。斥權倖。無所回隱。明日召兩人對內殿。帝大加稱賞。賜酒及御書。孝義傳。汪白父卒。負土營墓。廬於墓側。藜羹芒屨。晝夜號泣。終制猶然。轉運使以其狀聞。詔賜帛二十匹。粟麥三十石。酒十缸。寶祐濡頤志宋王蘭子謀仲。嘗在講筵。孝宗賜酒。公辭以量淺。上曰。量隨福至。及公進酒。上又自令滿斟。曰。滿逢知己飲。君臣相得。蓋如此。金史章宗紀。承安元年七月庚辰。御紫宸殿。受諸王百官賀。賜諸王宰執酒。勅有司以酒萬尊。置通衢。賜民縱飲。山居新語。至元四年。伯顏太師之牛甫十歲餘。為洪城兒萬戶。乃選駕同往。托以三不剗之行。為辭。本為其子也。至中途有酒車百餘。衆從行。其回車之兀刺赤。多無禦寒之衣。致有披席者。有一小廝無帽。雪疑其首若白頭僧帽者。望見駕近。哭聲震起。上亦為之墮淚。遂傳命令遣之。伯顏不從。上亟命分其酒于各愛馬。即各投下。及點其人數。死者給鈔壹錠。存者半錠。衆乃大悅。遂呼為歲而散。元史元明善傳。明善與虞集相得甚驩。至京師。乃復不能相下。董士選自中臺行省江浙二人俱送都門外。士選下馬入邸舍中為席。出橐中肴酒同飲。曰。復初中原人也。伯生南人。將為復初摧折。今為我飲此酒。慎勿如是。明善受卮酒跪而醵之。起立言曰。

誠如公言。無論他日。今隙以開矣。請公再賜一卮。終身不敢忘公言。乃再飲而別。自是驩好如初。元都王師山集謝賜酒箋。日月重光。紹承平之正統。山林小隱。蒙徵聘之殊恩。冊陞出綸。青坊設醴。臣誠欣識。忝忝扣頭。臣聞人心攸繫。實惟儲貳之尊。德業孰先。莫如繼述之重。能廣君父所行之志。必得古今達孝之名。然束帛旌賢。禮僅聞於前代。而上尊致敬。事未見於東宮。何幸微臣親逢優渥。以巖穴孤寒之士。受朝廷稠疊之知。此蓋伏遇皇太子殿下。坤德承乾。離明出震。體聖上招臣之盛意。舉國家曠古之彌文。位居主鬯之崇。器非妄與。情比賜酺之厚。澤欲普施。遂使草茅。沾雨露。臣頃漸淺學。無補明時。拜賜多儀。分已出於僥倖。讓還好辭。心始覺於和平。願於問安侍膳之餘。為致辭官就召之請。任止進退。必合義無幾抑奔競之風。左右前後皆正人。尚益勉端本之學。臣下請無任激切屏營之至。能改齋漫錄周庾信謝賜酒詩云。浮蟻對春開。蓋用曹子建七啓。盛以翠尊。而酌以雕觴。浮蟻鼎沸。酷烈馨香。故杜子美贈汝陽王詩曰。仙醴求浮蟻。淫樓夜宴詩。舞蟻添相續。簡院內諸公詩云。蟻浮仍臘味。鷗泛已春聲。報趙王賜酒。梁王脩竹園。冠蓋風塵喧。行人忽枉道。直進桃花源。稚子還羞出。驚妻到閨門。始聞傳上命。定是賜中樽。野籬然樹葉。山

杯捧竹根。風池還更暖。寒谷遂長暄。未知梁鴈何時報君恩。詩淵豪腸
衛酒。梁鴈子山金膏下帝臺。玉漉在蓬萊。仙人一過飲承得兩三杯。忽逢
桑葉落。正值菊花開。阮籍披衣進。王戎含笑來。從今覓仙藥。不假向瑤臺。
宋兗太史集和子瞻禁林鎖院詔賜燭酒。晨入金華幕。玉堂聲容不動筆。
奔忙。星間忽降龍銜權。天上重分玉醴香。是日早通英講讀。退以風寒賜
執政講筵官衛酒。是夜翰林又被燭酒之賜。欲施寒宵宮漏。永半酣歸夢。
蜀山長起看絳闕。銀河曉山立。千官拱未央。唐權載之集勅賜長壽酒。因
口號以贈。恩霑長壽酒。歸遺同心人。蒲酌共君醉。一盃千萬春。宋晏殊仲升
陽集近蒙明堂使局賜酒元巳日與諸僚會飲城東。王君儀昇先生辟穀
獨不敢召。以二尊為壽。上尊霑賜自明堂。苞禮無功。媿濫嘗玄晏先生
間嗜飲。青州從事敢慳哉。芳醪聊薦杯。鑑眼消滴難。澆錦繡腸。輕舉忽荒
何所疑。南烹更欲強。張良君儀見和復別為一首。因各次韻。載酒輕
塵論禮堂。區區好事媿原嘗。樽立未辨陳。暄老整谷寧。容伯有藏。盡益新
香浮蟻而陶陶。暖息助龜腸。物微意重。君母誚。熾絮泉甘器亦良。君儀
再和復次韻答之。醪數映玉浪。吹香未餉微。君敢獨嘗。甕下無人容。借
飲壺中有客共深藏。歌呼僅可供。頽頽臨酹那憂共。腐腸好似東臯求待

詔三升日給醞偏良。徐鉉騎省詩蒙恩賜酒奉旨令醉進詩以謝。明光殿裏夜迢迢。多病逢秋自寂寥。臣以病飲酒多時。蠟炬乍傳丹鳳詔。御題初認白雲謠。今宵幸識衝樽味。明日知停入閤朝。爲感君恩判一醉。不煩辛苦解金貂。梅聖俞定叟集賜酒詩。時頌光祿酒花出漢宮墻。湛露承天渥流霞落羽觴。述親龍尾道。遠襲崔頭香。羽殿人誰見。終知曼倩狂。張舜民畫墁集丞相龍示白羊御酒之作。進酒彤闈蓋未乾。春懷元老在長安。雙臺猶帶峭山雪。一酌能消塞北寒。好是弟兄同受賜。更邀賓客共交歡。迢迢若遇頭綱品。感激方明壯士肝。前宰相在外。歲賜頭綱團茶一斤。白羊酒二壺。計今受賜惟康國在。公在長安耳。任希夷斯庵集五日東宮賜酒有。重來六泛菖蒲酒。儲禁黃封歲歲飲。遙想三宮天上宴。肯分餘瀝到人間。司馬溫公傳家集賜酒詩。和氣盈金棧。恩光湛玉觴。應知北山羽。猶怯上林霜。醇味回秋色。清都近醉鄉。山茅雷雨露。華極寸心長。元薩天錫詩。昇龍觀招道士謝舜咨飲栢臺賜酒。九天飛下金鷄詔。四海歡傳雨露杯。百尺瑤臺一壺酒。道人何事不歸來。雖非天上黃封賜。終帶霜臺雨露香。額手太平無事日。一樽長對晚風涼。陳秋巖詩。數月無酒蒙上位。頒賜一瓶喜而成歌。趙生久別會面難。馬乳風味多寒酸。

洞庭春色夢不到。但覺飲量波濤乾。內庭皇皇遣星使。憐我沙場雪霜苦。金尊盡倒淚顏開。照照猶似登春臺。更入穹廬錫芳宴。似說愁城易攻戰。聖恩浩蕩海波深。醉裏長歌望三殿。虞伯生詩。王真人眉叟在京上都。賜酒倡和。真人燕處自高堂。遂賜宮壺出上方。給傳許乘飛輅馬。俯樽仍有大官羊。一天雨露凉如洗。四座賓朋喜欲狂。起賦新詩誇得意。西風傳送及灤陽。國朝顧祿詩集。祿備貲太常。祀事之暇。每兼內書之職。維時天寒指凍。書不成字。

上命。早午二膳。賜酒三爵。謹賦詩以紀之曰。賜酒味偏嘉。宮壺出內家。香凝

金掌露。華映赤城霞。才薄慙無報。恩深詎有涯。從容揮翰處。字畫轉先華。

賜老人酒

西漢書文帝紀。元年。民年八十

以上。賜米人月一石。肉二十斤。酒五斗。其九十以上。又賜帛人二匹。絮三斤。

賜民牛酒

漢制。叢錄文。帝初。嗣位。賜

民爵一級。女子百戶牛酒。顏氏謂女子。即賜爵者之妻也。率百戶共得牛酒若干。其後肅宗以鳳凰鸞鳥之瑞。所賜亦然。章懷云。若是戶頭妻不得。更稱為戶。此為女戶頭。即今之女戶也。天下稱慶。思當普洽。所以男賜爵。女子賜牛酒。史記索隱亦引樂府之說云。婦人無夫或無子。不需爵。故賜

之二說比類注其義皆優。史記封禪書 武帝東巡海上。封泰山詔賜民百戶牛一。酒十石。西漢書昭帝紀始元元年秋七月赦天下賜民百戶牛

酒。郊祀志 元帝即位遵舊儀開歲正月一幸甘泉郊泰畤又東至河

東祠后土。西至雍祠五畤。凡五畋泰畤后土之祠亦施恩澤。時所過毋出

田得賜百戶牛酒。師古曰言有時如此不常然也或賜爵赦罪人 成帝

紀 元延四年三月行幸河東祠后土。甘露降京師。賜長安民牛酒。西漢

博聞肅宗紀 元和二年詔賜河南女子百戶牛酒。注云史記封禪書百戶

牛一頭。酒十石。臣賢謂女戶頭即今之女戶也。天子稱慶恩當普洽所以

男戶賜爵女

子賜牛酒。

賜方朔牛酒 古今事通 啓顏錄漢武帝置酒玉

公孫丞相曰臣私驕而猛又剛毅。交牙出吻聲又太號呼萬里數一代東

方朔前曰臣請代四公。一日臣坐不得起。倪不得仰。追於天地之間。愁不

得長。二曰臣月越九州。聞不容止。并也天下餘於四海。三曰欲爲大衆恐

不能起。用天爲表用地爲裏。裝以浮雲。緣以四海。以日月明往往而在。四

曰天下不足以受臣坐。四海不足以受臣唾。臣倪噎。不得食。出若天外。卧上曰大哉。賜朔牛一頭。酒一石。賜平當牛

酒

西漢書平當傳。當乞骸骨弗許。上使尚書譴。賜養牛一。上尊酒十石。

賜丞相牛酒

漢制。叢錄丞相

以疾辭位。則遣尚書令。賜以養牛一。上尊酒十石。蓋以是優之。俾養其疾。如衣帝於平當之類。是已。成帝世。翟方進為相。上賜冊讓之。而亦有是賜。

方進即日自殺。則又異乎。常典矣。黃山谷建章錄。漢書成帝詔。責丞相翟方進。使尚書令。賜上尊酒十石。養牛一。

賜匡衡

牛酒

西漢書匡衡傳。成帝時。詔匡衡專精神。近醫藥。殖食自愛。因賜上尊酒。養牛一。

賜馮異牛酒

東漢書光武詔。馮異歸家。上冢。使太中大夫齋牛酒。令二百里內太守都尉已下。及宗族會焉。

賜彭城王牛

酒

東漢書宗室傳。彭城孝王和性至孝。犬夫人薨。行喪。陵次毀。皆過禮。傳相以聞。桓帝詔。使奉牛酒。迎王還宮。和敬賢樂施。國中受之。

賜劉隆牛酒

吳元。獻公。賴要時。賜劉隆養牛。上樽酒十斛。以列侯奉朝請。

賜張酺

牛酒

太平御覽。張酺雖在公位。而父常居田里。酺每有遷職。輒一詣京師。嘗來候酺。適會歲節。公卿罷朝。俱詣府奉酒上壽。極歡。醉。

衆人皆慶美之。及父卒。既葬。詔遣使齋牛酒爲釋服。

賜羊酒

宋史王隨傳隨爲京西轉運副使。陸贄且言曰。臣父母家洛中。

乃在所部。得奉湯藥。聖主之澤也。真宗因賜詩寵行。以羊酒。米帛。令過家爲壽。

賜上尊酒

平當傳兩漢傳聞賜當上

尊酒。如淳曰。律稻米一斗。得酒一斗。爲上尊。稷米一斗。得酒一斗。爲中尊。粟米一斗。得酒一斗。爲下尊。師古曰。稷即粟也。中尊者。宜爲黍米。不當言

稷。且作酒自有澆醇之異。爲上中下耳。不必繫之谷事。文類聚漢賜丞相上尊酒。注。糯米一斗。爲上尊。稷爲中。粟爲下。五代薛史安彥威傳。高祖謂

彥威曰。國之所仰。唯信與義。朕昔年危蹙。與并州契丹以義援我。我當以信報義。故勉而持之。適隅諸蕃。徵求不足。聞卿竭力供億。屈節事之。善莫

大焉。彥威對曰。陛下以四海之尊。爲蒼生之故。猶卑辭厚幣。以繼其好。區區微臣。何屈節之有也。高祖喜。賜上尊酒。尋除開府儀同三司。兼侍中。續

通鑑長編宰臣呂蒙正中風。御劄勞問。及賜名藥。上尊酒。元史王構傳。構擇淮東提刑按察副使。召見便殿。親授制書。賜上尊酒以遣之。

上

尊福酒

新唐書禮樂志。太祀進熟畢。太祝各以爵酌上尊福酒。合置一爵。持爵授侍中以進。皇帝再拜受爵。張祭酒呼酒。奠

爵。饒。賜縹醪酒。

北史崔浩傳。魏帝與浩談論語至中夜。帝賜浩縹醪酒十斛。水精戎鹽一兩。曰。朕味卿言。若此。

伏興。賜銀鍾酒。

續世說。宋文帝與蕭思話登鍾山北嶺。中道有盤石清泉。上使思話於石上彈。

琴。因賜以銀鍾酒。目。賜銀壺酒。

南史齊高帝紀。帝還南兗州。刺相賞有松石間意。史。加督五州。督北討。明帝嫌帝。

非人臣相。而人間流言。帝當為天子。明帝愈以為疑。遣冠軍將軍吳喜。留軍破釜。自持銀壺酒。封以賜帝。帝戎出迎。懼。不敢飲。將出奔。喜告以誠。

先飲之。帝即酌飲之。喜還。明帝意乃悅。賜銀杯酒。

新唐書元萬頃傳。胡楚賓秋浦人。屬文敏甚。必酒中然後下筆。

高宗命作文。常以金銀杯酌酒飲之。文成輒賜焉。

賜金杯酒。

隋書。

家。居率沉飲無留賄。費盡復入。得賜而出。類為常。樊子孟傳。大業十年。子孟進爵為濟公。後與蘇威。宇文述。陪宴積翠臺。帝親以金杯屬子孟酒。曰。良。嘉謀侯公。後勳。即以此杯賜公。用為永年之。

瑞。并綺羅百匹。唐書列傳。高宗時。右史胡楚賓。性重慎。能屬文。高宗嘗命作文。以金銀括酌酒飲之。文成輒賜焉。及出。未嘗語禁中事。人及其醉。問。

之亦熟視不答

賜金碗酒

唐撫言王源中。文宗時為翰林承旨學士。暇日與諸昆季蹴鞠於太平里第。毬子擊起誤

中源中之額。薄有所損。俄有急召。比至上。謂之源中。具以上聞。正曰。卿大雍睦。遂賜酒兩盤。每盤貯十金碗。每碗容一升許。宣令并碗賜之源中。飲之無餘。略無醉態。南郡新書王源中字正家。在內署嗜酒。嘗召對方沉醉。不能起。及醉醒同列告之源中。但使憂傷。殊無悔恨。他日又以醉不任赴召。遂不得大用。以眼病求免所職。開成三年十一月薨。賜金卮酒。於鄆州卽度使。又曾賜酒十金碗。酒飲皆盡。甌亦隨。

賜金卮酒

元史速哥傳。太宗命使金覲。其虛實及見金主。曰。天子念爾土地日狹。民力日疲。故遣我致命。謂者令下拜。速哥曰。我大國使為爾屈乎。金主壯之。取金卮飲之。酒曰。歸語汝主。必欲加兵。敢率精銳以相周旋。歲幣非所聞也。速哥飲畢。懷金卮歸獻。帝喜曰。我得金於汝手中矣。後以賜之。

賜一杯酒

北齊書段韶。尤喜於財。雖親戚故舊。累無施與。其子深尚公主。并省丞郎在家。佐事十餘日。事畢辭還。人

唯賜一杯酒。

賜以卮酒

太平御覽沛公因項伯見項羽。羽留沛公飲。項莊入以劍舞。欲因擊沛公。張良至軍門見

樊噲曰甚急噲即帶劍擁省入軍門拔帷西向而立瞋目視項王項王按劍而跽曰客何爲者良曰沛公參乘樊噲也王曰壯士賜之卮酒與卮酒樊噲飲之王曰賜之彘肩則一生彘肩噲覆盾於地拔劍切而啗之王曰壯士能復飲乎曰臣死且不避卮酒安足辭隨書楊義臣傳煬帝嗣位漢王諒作亂并州時代州總管李景爲漢王將鍾葵所圍詔義臣率馬步二萬夜出西陁達明行數十里鍾葵覘見義臣兵少悉衆拒之鍾葵亞將王拔驍勇每以數騎陷陳義臣患之見楊思恩氣貌雄勇顧之曰壯士也賜以卮酒思恩望見拔立於陣後授觴於地策馬赴之再往不刺書休寧賴何武爲郡吏時事太守何壽壽知武有宰相器故厚之後壽爲大司農其兄子爲廬江長史時武爲揚州刺史奏事在邸而壽兄子適長安壽爲具召武弟顯及故人酒酣見其兄子曰此子揚州長史材能驚下未嘗省見顯等甚慙退以謂武武曰刺史古之方伯上所以委任一州表率也職在進善退惡吏治行有茂異民有隱逸乃當召見不可以所私問顯強之不得已召見賜卮酒龍虎山志高士陳義高閩人至元丁丑與其師張大宗師居大都初侍裕皇繼從晉王鎮北達成宗登極王入朝上賜義高卮酒勞曰卿從王累年得無勞乎對曰得從親王游豈敢告勞

賜大

鍾酒

資治通鑑後梁均王紀。貞明四年。胡柳之戰。晉李嗣源與李從珂相失。見晉軍撓敗。不知王所之。或曰。王以北渡河矣。嗣源遂來。北渡。將之相州。是日從珂從王奪山。晚戰皆有功。甲子。晉王進攻濮陽。拔之。李嗣源知晉軍之捷。復來見王於濮陽。王不悅。曰。公以吾為死邪。但賜大鍾酒以罰之。自是待嗣源稍薄。

賜羣臣酒

劉向說苑楚莊王賜

群臣酒。燭滅有引美人衣者。美人援絕其纓。告王。王曰。賜人酒醉。乃願婦人之節。吾不取也。乃命左右勿上火。凡與寡人飲不絕纓者。不置歡也。群臣適絕纓。而後舉火。後與晉戰。引美人衣者。五合以報莊王。事文類聚李頎絕纓歌。楚王燕客章華臺。章華美人善歌舞。玉顏艷艷空相向。滿堂目逆不得語。紅燭滅芳酒闌。羅衣半醉春夜寒。絕纓解帶為一歡。君王赦過不之罪。暗中珠翠鳴珊珊。始愛賢。不愛色。青蛾買死誰能識。果却三軍全社。賜太子酒。姬侍類偶王隱。晉書晉賈后召懸像太子入朝。置于別室。遣婢陳舞。賜太子酒三升。太子醉不

賜太子酒

姬侍類偶王隱。晉書晉賈后召懸像太子入朝。置于別室。遣婢陳舞。賜太子酒三升。太子醉不

能飲。舞逼之曰。不孝也。天賜汝酒而不飲。賜妬妻酒。類說兵部中有惡物耶。太子不得已。強飲。遂大醉。

賜妬妻酒

尚書任瓌

太宗賜宮女二人皆國色妻柳氏姬嬪二女髮禿其上令齋胡餅酒賜云飲之立死爾後不妬不須飲若妬即飲之柳氏拜初曰妾與璩結髮夫妻俱出微賤遂致榮官璩今多內嬖誠不如死飲盡覆被睡醒丁無他故帝謂璩曰人不畏死不可以死恐朕尚不能禁卿其奈何其二女令別宅安置

賜國子監酒

宋史本紀建隆三年六月賜酒國子監清波雜志元豐間駕幸國子監出起居有旨人賜酒二

升諸齋往往置以益之曰奉聖旨得飲遂自肆致有衆醉登樓擊鼓者因是遇賜酒即拘責以錢均給以是知自昔國學有酒禁也

賜劉

銀酒

類說劉銀性巧自結真珠鞍勒為戲龍之狀太祖曰移此以勸民政不亦善乎銀在國中多置醢以毒臣下太祖幸講武池從

官未集銀先至詔賜危酒銀疑之捧杯泣曰臣遠拒朝廷罪在不赦陛下既待臣以不死願為大梁布衣觀太平之歲太祖曰朕推赤心於人腹中安有此事取酒自飲別酌賜銀銀慚頓首謝後陳洪進自漳泉歸闕錢徽由吳越來朝江南後主與銀同列銀因侍宴自言臣於數人中率先歸朝願得侍徒為諸國降王之長太祖大笑

賜學士酒

古今事通玄宗置麴精潭砌以銀磚泥以石粉貯三辰酒一萬

車以賜當制學士等。江南餘載元宗大宴。命賜翰林學士湯悅巨觥。悅辭以醉。上曰：不飲則宜傾於懷中也。悅應聲而傾之。上爲之大笑。賜

婦人酒

元史耶律留哥傳：妻姚里氏携次子善哥、鐵哥從子塔塔兒見帝于河西阿里湫城。帝曰：健鷹飛不到之地。爾婦人

乃能來耶。賜之酒慰勞甚至。

賜灞水酒

晏元獻公類要：郭子儀傳曰：大曆八年春正月晦日。賜子儀桑落火炙酒。

八甕灞水酒兩錢。

賜河東酒

太平御覽：劉藻字彥先。父宗之。廬江太守。涉獵郡籍。美談笑。善與人交。飲酒至一石。

不亂。藻爲平東別將。解於洛水之南。孝文曰：與卿石頭相見。藻對曰：臣雖才非古人。度亦不留賊虜。而陛下輒當驪曲阿之酒。以待百姓。帝大笑曰：

今未至曲阿。且以河東數石賜卿。

賜南庫法酒

舊唐書：開故事洛陽貢花。到例賜館職花百朵。并賜南庫

法酒。置莊漫錄故事：西京每歲貢牡丹花。例以一百枝。及南庫酒。賜館職。韓子蒼去國後。嘗有詩云：憶將南庫公供酒。共賞西京勅賜花。白髮思春

醒復醉。豈知流落在天涯。賜御酒五代史：後周太祖紀：帝自河中班師入朝。漢帝命昇階撫勞酌御酒以賜之。錫賚優厚。翌

賜御酒

帝命昇階撫勞酌御酒以賜之。錫賚優厚。翌